

ISSN 2249-510X

A Peer Reviewed and Refereed Journal of
Kashmiri Literature and Language
Department of Kashmiri
University of Kashmir

وڈ: اکھ تعارف

مفتی مدثر

تلخیص:

اوڈ چھ یونانی زبانی ہند اکھ لفظ تہ امیگ معنی چھ کورک
سانگ (Choric Song) یعنی سہ نغمہ یس یونانی ڈرامہس منز
کورس گوان اوس۔ یونانس منز لوب اکر شار صنفن عروج تہ تمہ پتہ آو
لاطینی زبانی منز تہ امیگ رجحان لبہ۔ اوڈس چھ پنڈ اکھ مخصوص تاریخ
تہ باقی کینون شعری صنفن ہند پاتھو چھ امیگ آگر قدیم
یونان۔ یونانس منز اوس پنڈ اراکھ ناماوار شاعر یس پونٹومہ صدی قبل
مسیح منز لکھان اوس۔ یہندس اوڈس چھ پنڈ اراک اوڈونان۔ امہ پتہ
لوب اوڈن رومن شاعر ہورس ہند ڈس پوچھر۔ یہندس اوڈس چھ
ہوریشین اوڈونان۔ امہ علاوآیہ سداہمہ تہ ارداہمہ صدی عیسوی منز

اوڈیج بیا کھ اکھ قسم تہ ورتا ونہ بیتھ Ode Irregular ونان چھ۔

کلیدی الفاظ: یونانس، لاطینی، اوڈ، عروج، نغمہ، رومن

تعارف:

بیتھ پاٹھی چھ اوڈ چہ تڑے قسمہ ۱۔ پنڈارک اوڈ ۲۔ ہوریشین اوڈ
۳۔ ارریولر اوڈ۔ اوڈ چھ بذاتی اکھ غنمایہ صنف سخن یعنی یہ چھے اکھ lyric
امکو چھ کینہہ نمایاں خصوصیت۔ عام طور چھ اتھ منز شاعر کاٹسہ شخصس یا گنہ خیالس
یا تصورس مخاطب آسان۔ بیتھ خطابہ کس رنگس چھ آس ایڈریس ونان۔ دویم
کتھ چھ یہ ز اوڈیج زبان یعنی صلکشن چھ سنجیدہ باوقار آسان۔
یوتام پنڈارک اوڈک تعلق چھ اتھ چھ تڑے حصہ آسان۔ Strophe,
Antistrophe Epode۔ بیمہ تریٹوے اصطلاح چھ قدیم
یونانڈ رانچ زان تھاون والبن معلوم۔ کورس اوس سٹیجکس اُکس طرفس کھڑا
گرہان تہ امہ پتہ دویمس طرفس گن رقص کران سٹرونی گوان۔ امہ پتہ اوس
سہ واپس گوڈنچہ جایہ اینٹی سٹرونی رقص کران گوان۔ اپوڈ اوس کورس اوس کورس
سٹیجس منز باگ کھڑا گرہتھ گوان۔

پنڈارک اوس پنڈر اوڈ خاص موقعن پٹھ لیکھان۔ اُمی سندر کیہنہ اوڈ چھ
کھیلن منز کامیابی پراون والبن کھلاڑن مدح سر آئی کران۔ کیشن اوڈن منز

چھ کائنسہ شخصہ سُنْد بجز تہ بیان کرنہ اُمّت۔ تہ پاٹھی چھ پنڈار سُنْدن اوڈن
منز قسیدن ہنڈ رنگ غالب۔

انگریزی پاٹھی ایم اوڈ گوڈ گوڈ لکھنہ آہ تمن منز تہ اوس اکثر بیشتر کُنہ
خاص موقس یا کائنسہ خاص شخصہ پٹھ لکھنہ آہ تہ۔ مثالے جان ڈرائڈن لیو کھ اکھ
مشہور پنڈارک اوڈ تہ Alexander's Feast ناوچھ تہ منز مژ شاعری
تہ موسیقی خراج تحسین پیش کور۔ تہ پاٹھی لیو کھ تھامس گرین Hymn to
Adversity سختی یا تنگی ہنڈس موضوعس پٹھ۔ تھامن گرین لیکھی امہ علاو The
Progress of Poetry (شاعری ہنڈ ارتقا) تہ The
Bard (شاعر) ناوکر اوڈ آتھی ہیہ منز۔

پنڈارک اوڈس منز چھ جذباتن ہنڈ شدت تہ زبانہ ہنڈ تھو داسلو بدوشوے
موجود آسان۔ ہوریشین اوڈس منز چھ پنڈارک اوڈس مقابلہ ہناٹھہراوتہ سکون
آسان تہ عام بول چالچ زبان ورتاویہ یوان۔ ہوریشین اوڈ چھ
Homostrophic آسان یعنی اتھ منز چھ بندچ اکاے ہیٹ روزان
۔ امہ علاو چھ یہ پنڈارک اوڈ کھوتہ عموماً لوگٹ تہ آسان۔ اینڈریو مارولن
An Horatian Ode Upon لیو کھ (Andrew Marvell)
Cromwell's Return From Ireland (1650) یس
انگریزی زبانہ ہنڈ سبٹھاہ مشہور اوڈ چھ۔ اتھ منز کور کور آلیور کرومویل سنز کامیابی

ہند چکے چاوسان ذکر۔ ہوریشین اوڈکس بندس چھ زیا ژور مصرعہ آسان تہ اتھ
منز چھ تفکرک رنگ غالب آسان۔ اتھ منز تہ چھ کائسہ شخصس یا خیالس گن
تخاطب آسان۔

انگریزی ادبس منز چھ غالباً اوڈج ساروے کھوتہ اہم رویہ اتھ رومینٹک
اوڈج۔ رومینٹک اوڈ ہیکو کہ اسی ہوریشین یا Irregular اوڈکس زمرس منز
شامل کرتھ۔ وڈس ورتھ، کولرج، شیلی تہ کیٹس ہند کیٹہ اوڈچھ کافی مشہور۔ عموماً
یمن منزیم تڑے چھ گڑھان:

- (۱) شروعس منز چھ شاعر کاٹہ قدرتی منظر بیان کران۔
- (۲) قدرتی منظرس پٹھ غور کران چھ شاعرس پنہ نس اوڈر ونس کن لمان تہ
شاعر چھ کنہ ذاتی مسلسل یا عمومی نوعیت کس خیالس پٹھ قلم تلان۔
- (۳) یہ غور و فکر چھ شاعرس اکھ Vision یا Insight یعنی اکھ کشف یا
بصیرت عطا کران یمہ ستر سہ پنہ نس مسلسل حل کرنج کوشش کران چھ۔ امہ پتہ
چھ شاعر تھو قدرتی منظرس کن واپس یوان یمہ پٹھ تھر کتھ شروع اُس
گرہٹ۔ مگر یمہ وز چھ اُس اکھ نو معرفتھ حاصل آسان سپدیٹ۔

وڈس ورتھ ہندس اوڈس اتھ Ode to Intimations of

Immortality۔ اتھ اوڈس منز چھ قدرتی خوبصورتی ہند کی منظر شاعرس پنہ

لو کچا ریاد پاوان۔ لو کچا رک وق چھ سہ وق اتھ منز تمس اکھ وجدان حاصل اوس

یُس و قنس ستر ستر کمزور گڑھان چھ۔ لو کچا رک یہ روحانی ادراک چھ وار وار
 زھوکاں تہ زندگی ہندی تجربہ چھ انسانس امہ سرمایہ نش محروم کران۔ اُخرس پٹھ
 چھ شاعریتھ پنجس پٹھ واتان زا اگر انسان پنہ نس فنایتس پٹھ غور کر سہ ہیکہ ازلی
 حقیقہ ہند گنہ حدس تام شعور حاصل کر تھ۔

یتھے پاٹھی چھ جان کیٹس پنہ نس نائیٹنگل اوڈس منز اُکس بلبل سُنڈ نعمہ
 بوڑتھ جو خیال گڑھان۔ بلبل سُنڈ یہ نعمہ چھ شاعرس انسانس زندگی ہنز بے
 شبائی، دودگ، مختلف قسمن ہندی مصائب تہ اُخرس پٹھ مرگ یاد پاوان۔ سہ
 چھ پٹھ پنجس پٹھ واتان ز انسان سُنڈ اصلی مسلہ چھ اُمر سُنڈ شعور یُس اُمس منز
 ہر روز دو گھک احساس پاؤ چھ کران۔ بلبل چھ بیوساروے پریشانیوتہ مصیبتونش
 کچھ تکیا زمس چھنہ انسانس ہیوشعور۔ اُکس موختصر و قنس بلبل ہندس نفمس منز
 پُن پان مشراونہ پتہ چھ شاعر پیہ پنہ نس دو کھہ لد دنیا ہس گن واپس نیس پٹھ
 مجبور گڑھان تکیا زمس چھنہ امہ بغاؤ کھنہ چار۔

یتھے کینز ہاہ چھ کولرج ہندس Dejection Ode تہ شیلی ہندس
 Ode to Westwind تہ Ode to Skylark س منز تہ نظر
 گڑھان۔ اکھ خارجی مشاہد یا تجربہ چھ خیالاتن ہند اکھ نووے دُنیاہ شاعرس
 بروہنہ گن انان۔ تمس چھ زندگی ہند ہن کینزون اہم گوشن گن ظون پھیران تہ
 اُخرس پٹھ چھ اُمس کانہہ نوو ادراک یا معرفت حاصل سپدان۔ جان

کرو پینسمن و نیوٹیج؛

"The aim of poetry is to realise life."

اگر وونی آس مشرقی شعریاتس گن ییو آس چھ و چھان زلفظ اوڈ چھ کلاسی عربی
قصیدن خاطر تہ استعمال آمت کرنہ۔ اچ ساروے کھوتہ اہم مثال چھ سبع
معلقات یکن اے آر بیرین The seven ode عنوانس ترجمہ کورمت
چھ۔ یم چھ قدیم عربی شاعری ہندی شاہکار ماننہ یوان۔ عربی قصید کس گوڈ نکس
حصص چھ نصیب و نان تہ اتھ منز چھ شاعر کانہہ پرون عشقہ تجربہ بیان کرنہ ستر
دس تلان۔ مثال امر القیس سندس قضائیک من ذکر ی حبیب و منزل۔ بسقط
اللوی بین الدخول فحول۔ امہ پتہ چھ صحراہس منز سفر تہ بدوی زندگی ہنز
استعاروتہ تشبیہاتو ذریعہ اکھ دلفریب منظر کشی کران۔ اتھ منز چھ شاعر پنہ قبیلچ
مدح سر آبی تہ کران تہ پنڈ کمالا تھ تہ تھیکتھ بیان کران۔ مگر منظر کشی تہ شعری صنفن
ہند پر لطف استعمالے یوت چھنہ عربی قصید ک کل سرمایہ بلکہ چھ یہ قدیم عربی
زندگی تہ تمدن تہ امہ کین اخلاقی قدرن ہند اکھ نمونہ تہ اسہ بز و نہہ کنہ پیش کران
۔ یہ کتھ چھ مشہور زغزل چھ ژ کہ قصید منز درامت ییلہ امیک گوڈ نیک حصہ
پانے نصیب امہ منز الگ دراو تہ کران اکھ منفرد شکل اختیار۔
اکہ زبانہ ہندی شعری اصناف کتھ پاٹھی ہیکن دویمہ زبانی منز ورتاونہ
یتھ تہ اتھ دوران کم کم تبدیلیہ ہیکن اتھ عملہ منز سپد تھ چھ اکھ اہم سوال خصوصاً

ییلہ زن تم زبانہ اکس بیکس نش لسائی تر تہ تمدنی اعتبار سبٹھاہ دور آسن۔ کاشرس منز
 چھ بلاشبہ یورپی اصناف سخن ورتا ونہ آمہ۔ مگر سوال چھ یمہ کوششہ کتھ حدس تام
 ہیکو کہ کامیاب کوششہ شمار کرتھ۔ یورپی ادبس برعکس چھ فارسی شاعری ہندی
 اصناف نفیس پاٹھی کاشرس منز ورتا ونہ آمہ۔ چاہے سو منٹوی آسہ یا غزل یا رباعی
 وغائر۔ میانہ خیالہ مطابق چھ موخصر افسانے یوت سو مغربی ادبی صنف یوس
 کاشرس منز اکھ قابل قدر مقام تھاوان چھ۔

کاشرس منز اوڈچ کیاہ صورتھ چھ روزہ امیک صحیح تجزیہ ہیکن کاشرس
 نقاد بہتر پاٹھی کرتھ۔ اگر اوڈچہ اصلی ہیو کن نظر تراوہ نیلہ چھنہ غالباً کاشرس منز
 یڑھ مثال نظر گڑھان تہ نہ چھ یہ ممکن ز کاشرس ہیکہ ہا اوڈہشہ صنفہ من وعن
 انگریزی پٹھ تلتھ تہ اپناوتھ۔

البتہ اگر اوڈکس وسیع تر مانیس منز سام ہیو تھی پاٹھی مے ہیر کنہ عربی
 قصیدن ہنز مثال دز نیلہ چھ کاشرس منز تڑھ نظمہ ضرور نظر گڑھان۔ تھے پاٹھی
 چھ کاشرس منز تڑھ نظمہ تہ لیکھنہ آمہ تھ منز کنہ شخص یا خیالس مخاطب
 سپدان چھ۔ مہور سنز گریس کو رچھ ایچ مثال عبدالاحد آزادنی آرول "وارمیہ
 ونہ آرولی کیا ز گیکھ و بالو یے" چھ بیا کھ مثال (ایچ تصدیق کر محترم پروفیسر
 شوق صابن تہ)۔ رحمن رائی ہنز جلوہ تہ زبور چھ بیا کھ یڑھ نظم تھ منز شاعر
 کاشرس زبانہ مخاطب چھ گڑھان تہ اتھ پُن خراج عقیدت پیش چھ کران۔

غائبن ونے یو ا کس فارسی شعرس منز :

برزہ مشتاب وپے راه شناسان برادر

ای کہ در راه سخن چون تو ہزار آمد و رفت

اتھ شعرس منز چھ غالب ا کس نو آموز شاعر کن مخاطب گڑھتھ ونان ؛ اور
یور مہ پھیر تہنڑ و تھ رٹھ یو سو نچ یہ و تھ مائڈ مڑ چھ - ژے ہی
چھ ساسہ بدی آ مڑ تہ گمڑ -

ایلیٹ سنڈری پاٹھی چھ غالب اتن روایت پسندی ہند علمبر دار مگرستی چھ
اکس اہم نوکتس کن اسہ رہنمائی کران - Literary Appropriation
خصوصاً بیلہ سہ دون مختلف زبان منز آسہ چھ تڑھ اکھ عمل بہتھ منز شاعر اس اکھ
کر وٹھ مرحلہ در پیش یوان چھ - تمس چھ امیک خیال تھاؤن زیمہ زبانی تہ کلچر
پٹھ سہ کانہہ صنف مستعارانان چھ تھ منز کتھ پاٹھی چھ سو صنف پھانپھلی پڑتہ
کارگر سپد پڑتہ بہتھ زبانہ منز وونی سہ یہ کل لاگان چھ تھ منز کتھ پاٹھی ہیکہ
پرن ول اتھ کن مائل گڑھتھ - یہ کام چھنہ سہل خصوصاً بیلہ شاعری ہنز کانہہ
صنف زیر غور آسہ - اکس شاعر سنز Critical Senk تنقیدی شعور تہ
Historical senk تاریخی شعور چھ اتن اہم کردار ادا کران - زبانہ پٹھ
دسترس تہ خلانی یوت چھنہ اتن کافی آسان -

کتابیات:

جپ، جان ڈی۔ (1974)۔ دی اوڈ۔ روٹ۔ ٹیلج

آربرے، اے، جے۔ (1957)۔ دی سیون اوڈز۔ کیمبرج لندن